



Inatsisartuni ilaasortaq, Jens-Frederik Nielsen, Demokraatit
Maani/

§ 37 naapertorlugu apeqquteqaammut nr. 099_2021-mut akissuteqaat.

Inatsisartut suleriaasianni § 37-mi imm. 1 naapertorlugu apeqqutinik Naalakkersuisunut nassiussaqaarsimavutit, juulip qaammataani tammajuitsussanik piniarneq pillugu. Apeqqutitit uanga suliassaqaarfisannut akisassanngortinneqarsimapput.

1. Juulip qaammataani tammajuitsussarsiorititsilluni piniartitsinerlut periarfissiineq sooq Naalakkersuisut unitsippaat?

a. Sooq 2024-ip tungaanut taamaaliorniarluni qinerneqarpa?

1-mut akissut.

Nalunaarut atuuttoq aallaavigalugu tammajuitsussarsiorititsilluni piniartitsinissamut pisassiisarneq, kiisalu piniartitsinissaq piffissami sumi ingerlanneqassanersoq ukiunut pingasunut aalajangerneqartarpoq. Kingullermik aalajagiisoqarpoq 2018-miit 2021-mut atuuttussamut. Pisassiissutit kiisalu piffissami sumi piniartitsisoqassanersoq aalajangiinnginnermi tusarniutigineqartarput, tamannalu aamma ukioq manna pivoq. Tusarniaanerlu ukioq 2021-mi qinersinerup kingorna naalakkersuisunngortitsisoqareernerullu kingorna ingerlanneqarluni.

Tusarniaanermi akissutaasut aalajangiinissamut ilaatigut toqqammaviulluinnarsimasut, tassaapput inuussutissarsiutigalugu piniartut, sunngiffimmi piniartut, kiisalu tammajuitsussarsiorititsillutik piniartitsisartut ataatsikkut piniartalerinissaat. Taamaalilluni piniarneq, piniartitsisarnerlu augustip aallaqqaataani tamanut atuutilersinneqarluni. Kiisalu nunaqavissut avataaniit tikittunit kingulliullutik piniariartannginnissaat kissaatigineqartoq aalajangiinermut toqqammaviulluinnartut ilagisimavaat.

a. Ukiuni pingasuni tammajuitsussanik piniartitsineq tusarniaanermi pineqarpoq, tassalu aasaaneraniit 2021 Ukiuunera 2024 ilanngullugu. Tamanna pillugu piniartitsisartunut aamma periarfissaalerpoq ukiunut tulliuuttunut pingasunut pilersaarusiornissaq.

2. Taamatut aalajangiinermi namminersorlutik sullissisut isertitassaralutik qassit annaassavaat?

2-mut akissut.

Naalakkersuisut tamanna maannakkorpiaq akisinnaangilaat. Tamannali misissorneqarpoq.

3. Taamatut aaliangiinermi namminersorlutik inuussutissarsioritut qanoq eqqugaassappat?

Ulloq: 30-07-2021
Suliap normua: 2021 - 13991
Akt normu: 17492765

Postboks 269
3900 Nuuk
Oqarasuaat (+299) 34 50 00
Fax: (+299) 34 63 55
E-mail: apn@nanoq.gl
www.naalakkersuisut.gl

3-mut akissut.

Apequt 2-mut akissut takuuk.

4. Naalackersuisut aaliangernerminnut atasumik taarsiissuteqarnialikkersaarpat?

4-mut akissut.

Naalackersuisut tamanna maannakkorpiaq akisinnaangilaat. Tamannali misissorneqarpoq.

5. Tassanngaannartumik aaliangiinermut sooq tusarniaaneq 1. juni-miit 2. juli-muinnaq ingerlanneqapa?

5-mut akissut.

Naalackersuisut isumaqanngillat tassaanngaannartumik aalajangiisoqartoq. Tusarniaaneq ataasinngornermiit 31. maajimiit tallimannorneq 2. juuli ilanngullugu ingerlanneqarpoq taamaammallu sapaatip akunneranik tallimanik sivilissuseqarsimalluni.

Tusarniaareernerullu kingorna tusarniaanermi akissutigineqartut toqqammavigalugit aalajangiisoqarluni.

6. Qeqqata Kommuniani namminersorlutik inuussutissarsiutillit qassit aaliangernermit eqqorneqarpat. Kommuneni allani sullissisunik allanik eqqugaasoqarpa?

6-mut akissut.

Apequt 4-mut akissut takuuk.

7. Tammajuitsussarsiortitsilluni piniartitsinermut sulialinnut isertitassat annertunersaasa ilanngarniarneqarneranni, illuatungaani iliuuseqarnissamut sumik eqqarsartoqarpa?

7-mut akissut.

Piniartitsisartut isertitassaat ilanngarniarneqanngillat. Aalajangiineq malillugu taakku aggustimi, septembarimi aamma oktobarimi isertitaqarnissamut periarfissaqarluarput. Illuatungaani juulip qaammataani akiliisitsilluni aalisartitsisoqarsinnaavoq assersuutigalugu eqalunnik imaluunniit aalisakkanik allarpassuarnik maani Kalaallit Nunaanni pigisatsinnik. Taassuma saniatigut juulip qaammataani safarimut periarfissaqarluarpoq, taamaaliornikkut uumasut pinngortitami takusassarsiortifigineqarsinnaapput assiligneqarsinnaallutillu.

8. Tusarniaanerup sivikitsup saniatigut Arctic Circle Business aaliangernermit peqataatinneqarsimava?

8-mut akissut.

Arctic Circle Business aalajangiinermut peqataatinneqarsimannigilaq pissutigalugu tamanna Naalackersuisut iluminni suliassarimmassuk.

9. Eqqartukkamut tunngasumik allanik soqutiginaatilinnik Naalackersuisut paasissutissiinnaappat?

9-mut akissut.

Naalackersuisut ilisimatitsissutigisinnaavaat tusarniaanermut akissutigineqartut
aalajangiinermut tunngaviliisut Tusarniaavimmi takuneqarsinnaasut.

Inussiarnersumik inuulluaqqusillunga

Aqqaluaq B. Egede

Aalisarnermut Piniarnermullu Naalackersuisoq